

AKASHVANI AIZAWL

REGIONAL NEWS BULLETIN

HEADLINES ( EVENING )

- 1. Prime Minister Narendra Modia an vawiin khan Swasth Nari, Sashakt Parivar Abhiyaan a hawng.
- 2. Mizoramah chuan Larsap Gen (Retd) VK Singh an vawiin khan Swasth Nari, Sashakt Parivar Abhiyan -leh Rastriya Poshan Maah pariatna Campaign a hawng.
- 3. Swasth Nari, Sashakt Parivar campaign pualin vawiin atanga thla thar ni 2 thleng hmeichhiate hriselna lam hawi campaign kalpui a ni ang.
- 4. Vawiin Prime Minister Narendra Modia piancham vawi 75-naah khawvel ram hruaitu hrang hrangten duhsakna chibai an buk .

<><><>

PM

Prime Minister Narendra Modia chuan vawiin khan Madhya Pradesh-a Dhar district atangin Swasth Nari, Sashakt Parivar Abhiyaan leh Rashtrya Poshan Maah a hawng. Pu Modia hian Adi Seva Parv hawng bawkin Bhainsola-a PM Mitra Park hmasa ber dinna lungphum a phum bawk a ni. Thusawiin PM Modia chuan India-a puanthan zawrhna hmunpui lian ber Vishwakarma Jayanti chu vawiinah hawn a ni ta a ti.

<><><>

GOVERNOR

Larsap Gen (Retd) VK Singh an vawiin khan Swasth Nari, Sashakt Parivar Abhiyan (Healthy Woman, Empowered Family) leh Rastriya Poshan Maah pariatna Campaign Mizoram Assembly Conference-ah a hawng a,

Hawwna thusawiin hawwnaah sawiin, Larsap chuan kum 2018-19 atanga Mizorama Ayushman Bharat kalpui a nih hnuah hriselna lama hmasawwna tam tak hmuh a nih thu leh, inenkawlina tha leh tlawm, hnaivai bawk si hmanga bultan a nih thu sawiin, Medical College, District Hospital, PHC, CHC, UPHC, Health & Wellness Centre leh Sub-Centre-te kaltlangin hriselna lama inenkawlinate hnuh hnai a nih thu leh mipui tan awlsamna siam a nih thu a sawi. Mipui hmakhua ngaia Jan Aushadhi Scheme hnuaia damdawi man tlawm pek chhuah a ni chu lawmawm a tih

thusawiin, Swasth Nari, Sashakt Parivar Campaign ruala hawn tak nu leh naupangte hriselna kawnga hmalakna leh chaw tha ei pawimawh zia inzirtirna 8th Rastriya Poshan Maah Campaign kalpui tur chuan rah tha a chhuah ngei a beisei thu a sawi bawk.

Larsap chuan ramchhunga nausen thi zat hniam ber zinga Mizoram a tel chu lawmawm a tih thu a sawi a, hei hian naupang leh nau piang hlimte enkawl kawnga Mizoram hmasawn zia a tarlang a ti a. HIV/AIDS, ruihhlo ngawlveina leh malaria-te chu ngaihven tul zual a la nih mek zel thu leh, vaihlo leh a kaihnawih dangte tih nasat avanga cancer leh chuap natna vei Mizoramin a ngah chu veiawm a tih thu sawiin, heng harsatna hneh thei tura midangte hruai that chu mitin mawhphurhna a ni tih sawiin, khawtlang hrisel leh chak neih a nih theih nan mipuite thawhpuiah a sawm a ni.

Byte: Larsap Dr VK Singh

Swasth Nari Sashakt Parivar Abhiyaan hi Ministry of Health and Family Welfare (MoHFW) leh Ministry of Women and Child Development (MoWCD) hmalakna hnuaia ram puma hmeichhia leh naupangte tana hriselna lama inenkawl na ti chak tura hmalakna a ni a. Vawiina Mizoram Assembly Conference-a campaign hawnnaah hian India ram puma Swasth Nari, Sashakt Parivar Abhiyan leh 8th Rastriya Poshan Maah Campaign kalpui tur, Prime Minister Pu Narendra Modi-a'n Dhar, Madhya Pradesh atanga a hawnna chu online kaltlanga chhim a nih hnua Mizoram puala campaign hawnna hun hman chhunzawm a ni.



**HEALTH MINISTER**

Swasth Nari, Sashakt Parivar campaign pualin vawiin atanga thla thar ni 2 thleng hmeichhiate hriselna lam hawi campaign kalpui a ni ang.

Swasth Nari, Sashakt Parivar campaign -in a tum ber chu chhungkaw nu ber atanga t hriselna bultan a ni a. Hemi hnuaiah hian Hospital hrang hrang, Health & Wellness Centre leh Health Sub-Centre-ahte health camp leh check-up neih a ni dawn a. PMJAY, PMMVY leh Nikshay Mitra enrollment kalpui a ni dawn a, Ayushman Bharat Health Account (ABHA) ID siam a ni dawn bawk a. Naupang vaccine pek, BP sang, zunthlum, hnute cancer, anaemia leh TB vei zawn chhuah bakah AYUSH awareness, Oral health leh Blood donation camp-te buatsaih a ni dawn bawk a. 8th Rastriya Poshan Maah kaltlangin nu leh naupangte hriselna nan hmalakna hrang hrang kalpui a ni bawk ang.

He campaign hawnna hmanpuitu Health & Family Welfare Minister Pi Lalrinpuii'n chuan hmeichhiate'n theihna nasa tak an neih avangin tawiawmna tha an dawn phawt chuan hlawhtlinna ropui tak an hmu thei a ti a, hriselna lama thawktute chu rawngbawl na thinlung pu chung a hna thawk tur leh campaign kalpui hun chhunga a tam thei ang berin hlawkna an hmuh theih na tura theihtawp chhuah turin a chah a. An hmalakna hrang hrang chu a hlawhtlin theih nan VC/LC, NGO leh Kohhrante tanrualpuiah a sawm nghal bawk.

Byte: Health Minister

Health Minister Pi Lalrinpuii hian vawiin khan Aizawl Zemabawkah RIPANS buatsaih - Free Medical & Health Camp a hawng a. He health camp hi

sawrkar laipui hmalakna Swasth Nari, Sashakt Parivar Abhiyaan tihhlawhtlin a peng pakhat a ni.

RIPANS Director Dr Sanjay D Sawant chuan hetiang health camp hi vawi 10 neih an tum thu a sawi a ni.



CM

Chief Minister Pu Lalduhoma chuan a office-ah Aizawl Western Side Bypass road laih mek thlirpuina meeting a nei a. Contractor te hnathawh tawh chin leh hmachhawpte a sawipui.

Aizawl Western Side Bypass road hi PM DeVINE sum cheng vbc 500 senga thawh tur niin a thawk tur hian RG Buildwell Engineer Limited te chu thlan an ni a. Kawng hi kilometer 45 a thui niin tun thlengin a sial hna zaa 13.70 zawh a ni tawh a. Kum 2028 kumtir lama zo hman tura beisei niin contractor hian an thawh zawh atanga chhiara kum 5 chhung an enkawl zui ang.

Leivung paihna hmun hi a vaiin hmun 23 vel neih a tul a. A ruala a zavai tana dumping site proposal hi siam a harsat avangin hna an thawhna hmasa tana an dumping site tur hmun pasarih chu pawmsak tawh an ni. Hna hi State Priority Project a ni.



GST REFORM

Karleh Thawhtanni atanga a taka hman tan tur, Goods and Services Tax, GST 2.0 chu a nih dan tura kalpui a nih theih nan leh hlawkna an tel ve theih nan mipui nawlpui leh Mizoram ukil te pawhin an hriatna an tih zau ve a tul tih mithiamten an sawi.

Akashvani Aizawl zawhna chhangin Advocate Pu Saihmingthanga Sailo chuan GST chu ram mipuiten an mawhphurhna anga sorkara chhiah an pek let vena a ni a ti a, GST kaihnawihah Mizoramah thubuai a tam lo viau a a lan chhan chu mipuiin GST an hriatthiam tawk loh vang ni pakhata a hriat thu sawiin, India-in Act East Policy a kalpui mek hnuaiah khawchhak lam ram hrang hrangte nena insumdawntawwna tur kawngpui, Kaladan Multi-Modal Highway chu a peihfel tep tawh bakah Mizoramin Guwahati kal kher lova Kolkata atanga tuipui kaltlanga insumdawntawwna a awm theihna tura sorkar laipuiin hma a lak mek avangin Mizoram chuan ram pawn atanga insumdawntawwna a hmachhawn thuai dawn a, Sairangah rel a lo lut tawh baw k a, heng insumdawntawwna chhiah an hman san ber tur chu GST a nih avangin GST in enge a tum, GST atangin mimal leh a khawtlang ang zawngin Mizoram mipuite chuan eng hlawkna nge an lo neih ve theih tih te an hriat theihna turin mipui nawlpui chuan an hriatna an tih zau a tul a ti.

Hetianga sumdawwna a lo kal hunah GST kaihnawih thubuai a awm hunah Mizoram pawna ukil ten case awm zawng zawng an lak vek loh nan Mizoram ukil te pawh GST chungchangah an in tah hriam tul a tih thu a sawi baw k a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.



**PM BIRTHDAY**

Vawiin Prime Minister Narendra Modia piancham vawi 75-naah khawvel ram hruaitu hrang hrangten duhsakna chibai an buk. Russian President Vladimir Putin, Israel Prime Minister Benjamin Netanyahu leh UK Prime Minister hlui Rishi Sunak te chuan PM Modia hi piancham chibai an buk a. President Putina chuan Pu Modia chu fakin India leh Russia inlaichinnaah a thawh hlawk hle a ti a. Israel PM Netanyahu pawhin PM Modia chu a thian tha tak anih thu a sawi.

US President Donald Trump-a pawhin Social Media-ah PM Modia hi a piancham chibai a buk a. Russia leh Ukraine buaina titawp tura a thlawpnaah lawmthu a sawi a ni.

Vawiin PM Modia piancham pual hian ramchhunga thisen pek runpui huaihawt a ni a. Union I&B Minister Ashwini Vaishnaw pawhin ITO New Delhi-ah PM Modia piancham pualin thisen athlawnin a pe a. Akhil Bhartiya Terapanth Yuvak Parishad te chuan rampumah blood donation camp sang sarih chuang an huaihawt a ni.



**BJP SEVA PAKHWADA**

BJP Mizoram chuan Prime Minister Narendra Modi-a piancham pualin, Midang tana luanchhuahna Program, "Seva Pakhwada" vawiin atang khan an hmang tan a, Aizawl Civil Hospital Blood Bank ah thisen unit 35 an pe..

Blood Donation Camp buatsaihna a thusawitu BJP State Vice President Pu Malsawmtluanga chuan thusawiin, Pu Modi-a pianchampha Sept ni 17 atanga India Ram Zalenna soal chhuaktu Pu Mahatma Gandhi pianchampha October ni 2 inkar chhunga midang tana luanchhuahna hun an hmang dawn tih a sawi a, Pu Modi-a Prime Minister a nih atangin rin phak bakin India ram in hmasawwna a hmu a, kawngtin rengah India ram chawikanna tur Program a siam te chuan India ram thalaite, kuthnathawk tute leh Entrepreneur-te tan nasa taka hmasawwna a thlen avangin khawvela Ram thangchak ber pawl an lo ni thei ta a ti.

Viksit India 2047 mission a lo thlen theihna tura Central Sorkar Pu Modi a kaihhruai ah Mizoram ah pawh hmasawwna hrang hrang a rawn lut mek zel a ni a ti a ni.

